

transcamus. Cæterum qui vniuscuiusque Palestinæ Ecclesiasticæ limites fuerint, singularum ciuitates postea enumerando, satis euidenter indicabimus.

Episcopo Hierosolymitano Patriarchali autoritate donato, huic etiam iura Patriarchalia collata sunt. Imprimis, quod ad eum ordinatio Episcoporum Palestinæ spectaret, satis probatur ex Euagrio, dum ait, Theodosio in locum Iuuenalis ab Hæreticis facto Episcopo, ad eum multos ex urbibus Palestinæ accedentes effecisse, vt ipsis eius autoritate designarentur Episcopi, ac inter eos Petrum ex Iberia ortum Episcopatu Majumæ prope Gazam sitæ donatum fuisse. Quod etiam congregandarum Synodorum autoritatem habuerit, ex ipsis Palestinæ Synodis probatur. Siquidem Ioannes Hierosolymitanus Concilium trium Palestinarum sub Hormisda contra Eutychianos coëgit, cuius epistola Synodica in act. 5. Concilij Constantinopolitani sub Menna reperitur. Aliud simile congregauit Petrus Hierosolymitanus contra Seuerum, Petrum & Zoaram hæreticos post obitum Agapeti anno Domini 336. necnon & contra Anthimum, vt ibidem videre est. Vnum tantum monebo circa hæc Concilia, plures Episcopos ex vicinis prouincijs Phœnicia, Syria, Cilicia & aliarum, vt sæpius in alijs factum est, his interfuisse, & subscripsisse, ne quis forsan errore deceptus omnes Episcopos quorum subscriptiones inibi reperiuntur, Palestinos fuisse censeat. Ex Cilicia 1. fuit Zephyriensis Episcopus, ex Isauria Iotapenus, & Philadelphienfis, ex Syria 1. Gabbensis, ex Euphratesia Neocæsariensis, ex Theodoriade Gabalensis, ex Phœnicia 1. Ptolemaidensis, Aradensis, & Paneadensis, ex Phœnicia Libani Abilensis, & Heliopokenfis.

Porro Hierosolymitanus Patriarcha tres subiectas Metropoles in tribus prouincijs habuit, Cæsaream Stratonis cuius Episcopo prius parebat, Scythopolim, & Petram.

Cæsarea, vt legitur in Notitia Græca, [Ciuitas deliciosa est, omnibus abundans, & structuræ elegantia supra multas eminens. Tetrapylum enim eius vbique celebratur quod utique singulare est, & visu spectabile. Ad mare Syriacum sita & munitissima, maxima, & opulentissima, & quasi arx vniuersæ Iudææ ab Herode ne rebellaret posita est. Non minus tamen accurate huius ædificia marmoribus, cæterisque Architecturæ ornamentis adornauit, Cæsareamque in honorem Cæsaris, quæ prius Turris Sitaronis vocabatur, nominari voluit.] Metropolis Ecclesiastica primæ Palestinæ facta est, & Cornelius Centurio à Petro Apostolo in ea baptizatus, primus eius Episcopus fuisse creditur. Sed & multi eius successores reperiuntur in historia Ecclesiastica, ac inter eos Flauianus sub Diocletiano, Theophilus sub Commodio, Teoctistus tempore Origenis, Domnus & Theotecnus sub Gallieno, Anatolius antea Episcopus Laodiceæ quæ sibi successorem Theotecnus designauit, Eusebius & eius successor Acacius qui Sardicæ depositus fuit, & Gelasius sub Theodosio.

Scythopolis ciuitas præclara & Metropolis secundæ Palestinæ, medio miliario à Iordane tantum distans in satis grata planicie sita est. Hanc prius cōditam à Libero Patre vult Solinus, sed quicquid sit, prius Betsan & Nyssa dicebatur, nomenque Scythopolis tantum obtinuit postquam à Scythis quasi de nouo instaurata est, superbisque ædificijs exornata. Nunc penè diruta

V.
QYOMODO
HIEROSOLY-
MITANVS EPI-
SCOPVS PA-
TRIARCHALIA
IVRA OBTI-
NVERIT.

• Euag. lib. 2. c. 5.
Πῶς δὲ πολλοὶ τῶν
ἐν παλαιστίνῃ πόλεων
ἀσκητῶν, χρισ-
τιανῶν σὺν τῷ
ἐκείνῳ παρεστῶ-
σαν, ἐν οἷς κατεστῆ-
κει καὶ πῶς δὲ ἡ
ἐκείνη τῇ καλου-
μένην μαϊουμᾶ τῇ
πρὸς τὴν γαζαν
πόλει τὸς ὁμοῦς τῶν
ἐπισκοπῶν πρὸς τὴν

VI.
CÆSARÆA
METROPOLIS
PRIMÆ PALE-
STINÆ.

VII.
SCYTHOPOLIS
METROPOLIS
SECUNDÆ PA-
LESTINÆ.